

Tayta Diosman yarakur imano kawanansipaq kashqanpis

Wakin runakuna Tayta Diosman yarakuyashqanta nirpis manami musyayansu runa imano kawayananpaq kashqanta. Sayta yachakunansipaq Tayta Diosman yarakuq runata ruédaman tinkusishun.

Chawpin: Jesucristuta chaskikushun

Tayta Diosman yarakuq runaqa Jesucristutami chaskikun.



Ruëda chawpincho cübu y ëji mana kap-tin manami tumayta kamäpakunsu. Say-nölämi Jesucristuta mana chaskikurqa Tayta Diosman yära-kuyta kamäpakun-sisu. Payta chaski-kurmi isanqa pay-man yarakunansipaq mushuq kawayta chaskinsi.

2 Corintios 5.17

Pipis Jesucristucho karqa mushuq kamash runanami kaykan. Unay kawayqa päsashnami. Kananqa lapanpis mushuqnami kaykan.

Gálatas 2.20

Noqaqa Jesucristuwan cruzcho wanushnömi kaykä. Manami noqanasu kawä, saypa trukança Jesucristumi noqacho kawan. Saymi Tayta Diospa Surinman yäarakur kawaykä. Paymi kuyamashpansi noqansi rayku wanurqan.

Äru: Dios munashqanno kawashun

Tayta Diosman yäakuq runaqa pay munashqannömi kawan.



Jesucristuta chas-kikush karqa paypa makinchönami kaykansi. Saymi yarpachakunsi ima rurashqansipis, parlashqansipis y yarpashqansipis pay munashqanno kananpaq.

Santiago 2.14

Kuyay wawqi panikuna, “Tayta Diosmanmi yärakuykä” nirpis pay munashqanno mana kawashqaqa ¿imapaqtaq yärakushqansipis välin? Sayno kawaq runakunataqa Tayta Dios manami salvanqasu.

Ruédacho räyu mana kaptinqa ëji mayjina jirururpis manami ruédato tumasinsu. Tayta Diosman yärakuq runa cäsukur kawanapaq chuskumi räyukuna kaykan.

Räyu 1: Palabranta yachakushun

Tayta Diosman yärakuq runaqa paypa palabrantami yachakun.



Tayta Diosmi palabrancho tantiyasimansi pay pi kashqanta y imano kawanansipaq kashqanta. Saymi palabrantami mana yachakur musyan-sisu imano payta cäsukuransipaq kashqanta.

2 Timoteo 3.16

Tayta Diospa palabrancho lapan qelqaraykaqkunaqa Tayta Diospa yarpayninkunami kaykan. Saymi ali kaykan yachasinansipaq, tantiyasinansipaq, corriginansipaq y Tayta Dios munashqanno kawanansipaqpis.

Räyu 2: Tayta Diosta manakushun

Tayta Diosman yäraquq runaqa paytami manakun.



Tayta Diosta manakurmi imata yarpashqansitapis wilapansi. Saynöpis alabansi, perdonta manakunsi, agradëcikusni y wakintapis yanapänanpaq ruwakunsi.

Efesios 6.18

Imay hörapis Espíritu Santu tantiyasiyëshushqaykino Tayta Diosta manakuyay. Mana ajayaypa imaypis ruwakuyay. Yäraquq mayikikunapaqpis mana qonqaypa manakuyay.

Filipenses 4.6–7

⁶ İmapaqpis ama lakikuyaysu. Saypa trukança Tayta Diosta agradecikur İpanchöpis yanapâyâshunaykipaq manakuyay. ⁷ Sayno manakuyaptikimi Tayta Dios ali kawayta qoyâshunki. Paymi shonquykikunatapis yarpaynikunatapis cuidança Jesucristuman yârakur mana lakikuyânaykipaq. Saymi imanir kushish kawayashqaykita pipis tantiyançasu.

Räyu 3: Shuntakâshun

Tayta Diosman yâraquq runaqa yâraquq mayinkunawanmi shuntakan.



Yantata ninapita jorqush upishqan-nömi noqansipis yâraquq mayinsikunawan mana shuntakar qajakashno rikakunsi. Shuntakarmi isança shumaq yârakunansipaq shakyäsina-kunsi.

Hebreos 10.24–25

Kuyanakunansipaq y alikunata ruranansipaq jukninsi jukninsi shakyäsinakushun. Wakin wawqi panikuna shuntakayta qelanäyaptinpis noqansipaq ama qelanäshunsu. Jesucristo kutimunarpaqna kashqanta musyaykarqa shakyäsinakunansipaq imaypis shuntakäshun.

Räyu 4: Wilakushun

Tayta Diosman yäraquq runaqa Diospa wilakuyninta runa mayinta wilapanmi.



Tayta Diosman yärakurqa runa mayinsita wilapansi paykunapis Jesucristuta chaskikuyänanpaq. Chaskikur kushikuptin noqansipis kushikunsi y Tayta Diosman masmi yärukunsi.

Romanos 1.16a

Noqa manami penqaküsu Tayta Diospa ali wilakuyninta wilakur. Say wilakuyqa Tayta Diospa poderninmi kaykan lapan chaskikuqkunata salvananpaq.

Motor: Tayta Dios yanapämashqansi

Ruédapa cübun, ärun y räyunkuna kaptinpis motor mana kaptinqa manami ima fuerzapis kansu ruédata tumasinanpaq. Saynölami Tayta Dios mana yanapämashqaqa pay munashqanno kawayta kamäpakunsisu.

Gálatas 5.16

Saymi ni: Espíritu Santu tantiyasiyëshushqaykinöla kawayay. Sayno kawarqa manami shonquykikuna munashqanno jusalikuyankisu.

San Juan 15.5b

Noqawan mana juklaylano kawarqa manami ima ruraytapis kamäpakuyankisu.

Filipenses 2.13

Pay munashqanno kawayänaykipaq kikinmi shakyäsiyëshunki y poderta qoyëshunki.

Yarpäshun imata yachakushqansitapis

- Yachakushkansi Tayta Diosman yäraquq runa Jesucristuta chaskikushqanta.
- Yachakushkansi Tayta Diosman yäraquq runa pay munashqanno kawashqanta.
- Yachakushkansi Tayta Diosman yäraquq runa paypa palabranta yachakushqanta.
- Yachakushkansi Tayta Diosman yäraquq runa payta manakushqanta.
- Yachakushkansi Tayta Diosman yäraquq runa yäraquq mayinkunawan shuntakashqanta.
- Yachakushkansi Tayta Diosman yäraquq runa Diospa wilakuyninta runa mayinta wilapashqanta.
- Yachakushkansi payman yäraquqansipaq Tayta Dios yanapämashqansita y mana yanapämash payman yäraquyta mana kamäpakushqansita.